

Der ordinarius unnd zwene doctores vonn der facultetenn darzu vorordent mußenn vonn dene conventoribus rechnunge nehmenn; szo mus es alsdann der ordinarius der gantzen facultet berechenn.

Darvonn helt mann dye gebeude unnd dachung am hauße unnd andere nottorfft; so habenn wir eyenn heimlich gemach vonn neuem mussenn machenn lassenn, gestehet 5
uber 1 fl., wes uberig, darvonn haltenn wir disputaciones unnd repeticiones, als eynem doctor 1 gut schogk, darumb muß er eyne neue repeticion machenn unnd kommet in 11 iaren ungeverlich nicht mehr dann eynmal an eynen. Item eynem itzlichen baccalauri ender do arguirt 11 gl., item dene famulis universitatis iren solt; sulchs alles mus der ordinarius der facultet eygentlich berechenn. 10

Item wir habenn es geordent unnd also angeschlagenn, das wir alle monet eyne repeticion ader disputacion solemniter haltenn, darvonn gibt man dem repetenten 1 fl. unnd habenn doch wenig in fisco, dann wir habenn wenig dye sich promoviren lassen.

260.

Zwei Aufsätze betreffend die Vorlesungen in der iuristischen Fakultät. [Zwischen 1506 u. 1537.] 15

Hdschr.: Concept Hauptstaatsarchiv Dresden, Universität, Raths und andere Händel 1367—1537 loc. 10532 fol. 160—163.

Wann die facultet der iuristen mit sechs bestendigen unnd fundirten lection vorsehen unnd geordent ist, als mit dreien in geistlichenn unnd auch mit dreien in weltlichen rechten, so ist es mehr dann gnungk vor einen itzlichen vleissigen schuler, unnd das die 20
wie hernach volget gelesen, also das vormittage drei lection gescheen, die eine in decretalibus unnd also in geistlichen rechten unnd zcwue in weltlichen rechten, erstlich in c. ader ff. unnd darnach in institut. unnd nachmittage auch dreie ader vier gelesen werden, zcwue in geistlichen rechten, als in tercio et quinto decretalium die eine unnd in sexta et clementinis die andere und eine in ff. in weltlichen rechten. 25

Nach diser ordenung.

Die erste stunde frue im sommer umb funff unnd im winter umb sechse, sall der ordinarius die erste lection in geistlichen rechtenn wie zuvor a fundacione universitatis allewege gewest behalten, unnd lesen primum et secundum decretalium, nemlich primam partem primi libri usque ad titulum de electione et secundam partem a titulo de officio 30
delegati biß zum ende des buchs, unnd secundum librum gantz in prima, secunda et tercia parte unnd doselbst gar keinen tittel außlassen, unnd sall sich bevlæssigen sulche zcwei bucher alle vier iare unnd uffs allerlengste in funff iaren auszumachen unnd also sein curß compliren.

Die andere stunde vormittage, im somer umb siben, im winter umb achte, sall in 35
weltlichenn rechten in c. ader in ff. gelesen werden, wie hirunden zuletzt angezeigt ist.

Die dritte stunde unnd vormittage, im sommer umb achte unnd im winter umb neune, sall man abermals lesen in weltlichem rechte, das ist in institut. unnd der doctor der sulche lection hatt, sall dasselbige buch gantz auslesen unnd sunderlichen vleis haben das er den text unnd glose woll declarire unnd doch die scholares mit viel materie nicht 40